

Канон святой мученице Людмиле, княгине Чешской

Память празднуем 16/29 сентября

Глас 8-й

Егоже краегранесие: **Святая мученице Людмиле, моли Бога о нас.**

Песнь 1

Ирмос: Колесницегонителя фараона погрузи, чудотворяй иногда Моисейский жезл, крестообразно поразив, и разделив море, Израиля же беглеца, пешеходца спасе, песнь Богови воспевающа.

Припев: Святая мученице, Людмиле, моли Бога о нас.

Слове Божий, Христе, слова ми подаждь дар, да пою Тя, Животе Неисчерпаемый, и да славлю мученицу Твою Людмилу, песнь Ти поюще: поим Господеви, славно бо прославися.

Святая мученице, Людмиле, моли Бога о нас.

Венец нетленный приявши во страдании своем, моли, Людмиле, Бога Славного венцы светлии даровати нам, да, приявше я, воспоим: поим Господеви, славно бо прославися.

Слава: Яко агница непорочная ведена была ты на заклание, ни едино же слово вопреки рекше; обаче воспела еси песнь Богови: поим Господеви, славно бо прославися.

И ныне: Тя, Пречистая, вси роди ублажают, яко носила еси во чреве Превечного Бога, к Немуже молися за мир, купно с Людмилою мученицей, поущей: поим Господеви, славно бо прославися.

Песнь 3

Ирмос: Утверждей вначале Небеса разумом, и землю на водах основавый, на камени мя, Христе, заповедей Твоих утверди, яко несть свят, паче Тебе, Едине Человеколюбче.

Святая мученице, Людмиле, моли Бога о нас.

Ангели светлии сретили на воздухе душу твою пресветлую, страданием невинным убеленную, молитвою преукрашенную, любовь озаренную, песнь Богови поущею: свят еси, Господи, и поет Тя дух мой.

Святая мученице, Людмиле, моли Бога о нас.

Яко звезда огненная, яко Ангел пресветлий вознеслася еси душа

твоя на Небеса, Людмилу, презаренная благодатию Святаго Духа, поющая: Свят еси, Господи, и поет Тя дух мой.

Слава: Молимся ти, Людмилу славне, помолися за мир ко Владыке, и помощи всем, помощи чающим, утеши скорбящих, возрадуй унывающих, да вопиют и они ко Господу: Свят еси, Господи, и поет Тя дух мой.

И ныне: Ублажаем Тя вси, о Богомати, яко Матерь Бога нашего, якоже прорекла еси, и поем Тя с Людмилою мученицей, и Господу зовем: Свят еси, Господи, и поет Тя дух мой.

Песнь 4

Ирмос: Ты моя крепость, Господи, Ты моя и Сила, Ты мой Бог, Ты мое Радование, не оставь недра Отца, и нашу нищету посетив, тем с пророком Аввакумом зову Ти: силе Твоей слава, Человеколюбче.

Святая мученице, Людмилу, моли Бога о нас.

Честна пред Господем смерть твоя, мученице, бысть, за неяже венец прияла еси, венец нетленный, темже молися ко Господу, да подаст и нам венцы Царствия, да поем Ему присно: слава силе Твоей, Господи.

Святая мученице, Людмилу, моли Бога о нас.

Егда убивающие тя проклинали тя, ты их благословляла, якоже Христос, Емуже все житие твое посвятила еси; темже сподоби и нас, внегда скорбни будем, пети Владыце: слава силе Твоей, Господи.

Слава: Несть бози идоли ваши, - рекла еси, Людмилу, сродником твоим, жаждущим отвратити тя от веры истинная, за неяже и смерть прияла безвинную, - но Един Бог Есть, Бог Свят, Емуже Церковь Христова взывает: слава силе Твоей, Господи.

И ныне: Исповедуем вси Тя, Пречистая Дево Марие, Истинною Богородицею, Носившею во чреве Бога Истиннаго, Приявшего плоть от Тебе и неложно воплощся на земли Жившаго, и Распятаго, и Воскресшаго, вопиюще Ему с Людмилою: слава силе Твоей, Господи.

Песнь 5

Ирмос: Вскую мя отринул еси от лица Твоего, Свете Незаходимый, и покрыла мя есть чуждая тьма окаяннаго, но обрати мя, и к свету заповедей Твоих, пути мои направи, молюся.

Святая мученице, Людмилу, моли Бога о нас.

Царю Небесному, Егоже зриши ясно, помолися, Людмилу, за всех, помощи чающих, и спаси из глубины отчаяния всех гибнущих, и подай покой всем зовущим: Господи Боже наш, мир даждь нам.

Святая мученице, Людмилу, моли Бога о нас.

Егоже всю жизнь свою пресветлую жаждала зрети, и служити Ему

верно, ныне зриши ясно, Того моли, Людмилу, спасти мир наш от злобы диаволи, от вражды и разделений, и даровати спасение поющим: Господи Боже наш, мир даждь нам.

Слава: Людмилу, Божия агнице, зря ныне Агнца лицом к лицу и наслаждаясь общением сим, не забуди нас грешных, заблуждших во вражде, не ведущих пети: Господи Боже наш, мир даждь нам.

И ныне: Южики твои, Людмилу, заклаша ты якоже агницу, незлобие и веру твою зря; темже молися о нас с Пречистой Девой Богородицей и всеми святыми, глаголющи: Господи Боже наш, мир даждь нам.

Песнь 6

Ирмос: Очисти мя, Спасе, многа бо беззакония моя, и из глубины зол возведи, молюся: к Тебе бо возопих, и услыши мя, Боже спасения моего.

Святая мученице, Людмилу, моли Бога о нас.

Древо крестное спасе весь род человеческий силою Распятого на нем Христа Бога нашего, темже, лобызающе и, вопием с Людмилою, крест свой смиренно понесшей: яко пророка Иону спаси нас, Господи.

Святая мученице, Людмилу, моли Бога о нас.

Молитву непрестанную стяжала еси к Богу, хождаше пред Ним, якоже Енох, нощенно, темже научи нас молитве истинней, да, обратившись к покаянию, умолим Бога за мир, глаголюще: яко пророка Иону спаси нас, Господи.

Слава: Исповедав Господа пред всеми, исповедана быв Господом пред Ангели, венец приявши радости светлый, уневестилася Господу, Егоже чаявши всю жизнь свою зрети, вопияла выну: яко пророка Иону спаси нас, Господи.

И ныне: Людмилу богославная, твою память празднующе светло, воспоминаем страдания твоя, и дивимся кротости твоей, и молим ти ся: молися к Богородице, да простит нам беззакония наша, да молится ко Господу о нас, поющих: яко пророка Иону спаси нас, Господи.

Кондак, глас 6.

От небес прияла еси любовь Божию, темже убита была еси от сродников, о Людмилу пресветлая, молися о всех нас, верно чтущих тя.

Икос

Агницу непорочную, Людмилу, вернии, на небесех зряще, молящуюся за ны непрестанно, вси воспоим: Радуйся, себе в жертву Богу принесшая; радуйся, со Ангели на небеса вшедшая. Радуйся, мира Христова благоухание; радуйся, Божественными добродетельми осиянная. Радуйся, теплая предстательнице наша пред Богом; радуйся, вознесенная к Небесным чертогом. Радуйся, верных

молитвам внимающая; радуйся, всякое желание благое исполняющая. Радуйся, праведнице, питавшая всех алчущих, радуйся, благой любовью утешавшая всех плачущих. Радуйся, яко злато в горниле, очищенная; радуйся, Небесной славы причащенная. Радуйся, святая мученице Людмиле, Богу и людям Его милая.

Песнь 7

Ирмос: Превозносимый отцев Господь пламень угаси, отроки ороси, согласно поющая: Боже, благословен еси.

Святая мученице, Людмиле, моли Бога о нас.

Молящуюся ты зря к Богу ныне, Людмиле, радуется Церковь Чешская, радуемся и мы, яко обретохом предстательницу верную, дарующую нам радость Небесную, и зовем вси к Богу, Давшему нам тя: Боже, благословен еси.

Святая мученице, Людмиле, моли Бога о нас.

Одеваясь днесь, яко ризою, светом; облачаяся днесь во Христову любовь, помяни, Людмиле, мир твой, вспомяни о твоих сестрах и братиях, соедини их всех во едино и сподоби пети Господу: Боже, благословен еси.

Слава: Лесть бесовскую отгнала еси, о Людмиле непорочная, и служила еси Богу всею жизнью своею, и любила Его всем сердцем и душою всею, и Ему одному прилеплялася, темже сотвори, да деем то же и мы, всегда в себе вопиюще: Боже, благословен еси.

И ныне: Изрядно же о Тебе, о Препоблагословенная Марие, благодарим Бога нашего, Ты бо заступница есть всем нам, и земле Русской покров, спаси нас, Тебе зовем, яко Матерь всех Владыки, и научи нас пети Богу, с Людмилою купно: Боже, благословен еси.

Песнь 8

Ирмос: Седмерицею пещь халдейский мучитель богочестивым неистовно разжже, силою же лучшею спасены сия виде, Творцу и Избавителю вопияше: отроцы, благословите, священницы, воспойте, людие, превозносите во вся веки.

Святая мученице, Людмиле, моли Бога о нас.

Божественный славы сподобилася еси, о Людмиле мученице, и наслаждаешься днесь любовью Божией, ее же чаяла имети в себе; темже молися о нас, да возлюбим друг друга и, единомысленно исповедающе Отца и Сына и Святаго Духа, воспоем: Господа пойте, дела, и превозносите во вся веки.

Святая мученице, Людмиле, моли Бога о нас.

О Людмиле, мученице светлая, имущая одежду брачную святу, благоухающая неизреченно, добродетельми Божественными осиянна, преукраси ими и нас, да от всего сердца воспоем: Господа пойте, дела, и превозносите во вся веки.

Благословим Отца и Сына и Святаго Духа, Господа.

Глаголы наша внуши, Господи, якоже внял еси древле званию триех отроцев в пещи Вавилонстей, и подаждь нам любовь и сострадание, мир и радость с кротостию, молитвами святой мученицы Людмилы, зовущей: Господа пойте, дела, и превозносите во вся веки.

И ныне: Ангели служат Ти, Пресвятая, умы быстролетнии, песнь Трисвятую Богу воспевающие и славящие Тя непрестанно, яко Матерь Божию, Заступницу нашу, поющи: Господа пойте, дела, и превозносите во вся веки.

Песнь 9

Ирмос: Ужасеся о сем Небо, и земли удивишася концы, яко Бог явися человеком плотию, и чрево Твое бысть пространнейшее Небес. Тем Тя, Богородицу, Ангелов и человек чиновначалия величают.

Святая мученице, Людмиле, моли Бога о нас.

Окорми нас, Людмиле, настави на путь истинный, научи нас оправданием Христовым, яже исполнив в житии своем, освященной соделалася; даждь нам мудрость и силу, да познаем Божию правду, да восславим Бога и Богородицу в песнях величаем.

Святая мученице, Людмиле, моли Бога о нас.

Не забуди нас, Людмиле, людям бывшая милой в земной жизни твоей; предстоя престолу Божию, ходатайствуй о нас, да предстанем мы престолу сему страшному неосужденно, и да дерзнем воспети тамо Его Матери: Богородицу в песнях величаем.

Слава: Ангельскую песнь воспевая днесь Богу на Небесех, научи и нас молитве истинней, не остави нас грешных, но в бедах заступи, в унынии посети, в болезни исцели, в беззакониях обрати, о Людмиле, да поминающе житие твое выну, зовем Богоотроковице: Богородицу в песнях величаем.

И ныне: Славим вси Бога, Создавшего нас и Даровавшего нам тя, Людмиле, во предстательство, да спасены будем вси, да узрим лик Его, да будет на челах наших имя святое Его, и да поим со Ангелы Матери Его: Богородицу в песнях величаем.

Светилен

Радуйся, Людмиле благодатная, ты бо всю страну Чешскую осветила светом Православия, прияла же смерть за Господа, вознеслася душою же на Небеса, и ныне нам помогаешь еси.